

朔雲撫卷題詩倍惆悵有知當徹九泉聞

贈張唐丞子有二首

一拜龍顏見赫臨繼開唐府更良箴抗言博士議當
取端本後朝緣自今十慮徒懷愚者料片片難盡野
人心儻蒙銀字沾恩去未礙東山擁鼻吟
中護名香鶴禁深津津芝宇見雄襟兩坊春色烟花
地一片丹誠羽翼心夜浸不容侵翠鑰布衣仍籍
華簪五雲長近前星潤正要乘時作傅霖

贈史中丞并王高二侍郎

天吹驚翻白錦鷹槍揚還復籍飛騰嚴城鐘鼓燒更
月客舍風霜半夜燈老境幾何心未已清時有味愧
無能一麾倘便公私去大是生平幸不勝

贈趙禹卿

燕市分携又六年眼中雙鬢兩皤然索金周急為真
樂畎畝思君類昔賢章曲去天纔尺五田文食客尚
三千相看一笑風神在不似長鯨吸百川

壽楊奉御五郎

黑頭宜捧侍中貂華嶽秋高見準標滿眼風雲承
眷顧四科言語獨超遙時陪彩鳳巢阿閣又領春暉
上柳條端尹後朝斯任重祝君眉壽等松喬

贈楊吏部子裕

載覲清揚又六年克庭儀鳳更翩翩事條不獨山公
啓風鑑能知漢相賢黃散許除仲素志銓衡停允正

吾權春風密鎖天官署嘗訝唐人緩所先

劉禮部歸國詩卷

未即同文易舊傳使華光動海西垣十年都護清如水百險歸來雪滿舡壯節氣凌殷侑序吟忠到子御璫錦窠未是春風地會見吹噓侍日邊

贈崔中丞

秀拔冰天一氣晶幾年官闕作先聲閉門著論驚崔寔審勢陳書似賈生鐵柱宛從貂珥出簡霜能滿栢臺清堂堂正有文貞芻擊暴推姦是小成

月坡引清商六調其一寒光相射其二冷侵牛斗其三靜聽龍吟其四遊魚躍浪其五風蹙成紋其六深夜回舟雙溪相公首

唱和韻者澹游張緯文僧木菴趙虎巖著苗君瑞之侄良弼求詩於余勉為奉和以

續五賢之右

露洗金波蕩碧空清商傳調自天風看來冷浸雲間斗聽久幽吟水底龍孤棹泛溪回雪夜跳魚翻藻避蛟宮一彈曾感神人暢何翅平公為斂容

謝平章聽山公見惠東陽佳醞大同枸杞書院春風靜掩關洞庭春浪漲滄灣雲腴釀自東陽耐仙杞香來大若山二物并遺沾雅贖一樽端為駐衰顏應慙潦倒登瀛客尚覲哀憐

賜珮環

秋澗先生大全文集卷第二十三

秋澗先生大全文集卷第二十四

七言絕句

寄張孝先

愛而不見我心勞
好在天池刷羽毛
一曲紫簫風露冷
黑山無際月明高

寄贈王嘉父

十日休閒一到衙
冷官滋味賈長沙
醉歸多趁湖南月
馬上披香直到家

送王子寬天壇行香

山川望秩走星輶
藩府懷賢夢想勞
不為碧雞金馬異
漢家優禮起王褒

蕭徵君哀詞

秋澗先生大全文集卷第二十三

秋澗先生大全文集卷第二十四

七言絕句

寄張孝先

愛而不見我心勞
好在天池刷羽毛
一曲紫簫風露冷
黑山無際月明高

寄贈王嘉父

十日休閒一到衙
冷官滋味賈長沙
醉歸多趁湖南月
馬上披香直到家

送王子寬天壇行香

山川望秩走星輶
藩府懷賢夢想勞
不為碧雞金馬異
漢家優禮起王褒

蕭徵君哀詞

東瀛先生有道之士也予以里閭故獲展
履綦之拜盖十有一年矣今茲云亡謹據
其見聞之實作追懷之詩六首姑達乎感

慨云爾

圯上求書約重過豈期遐想仰山阿適來適去公常
事親見先生曳杖過
含悲空炷影前香風袂冷然返帝鄉鶴馭不來塵世
隔芙蓉城闕月茫茫
李白長鯨汗漫期秋山魂冷未來歸傷心執紼西州
路何止羊曇淚滿衣
鬱鬱佳城畫不開玉霄東望靄蓬萊空懷華表城頭
柱會有他年化鶴來

萬事生平委自然竹風松月共清圓衣塵總拂朝元
去恐向人間久棄捐

樓觀總成人已非身前毫髮恨無遺空遺讀易壇邊
竹露葉青青若淚垂

餘

比干廟

玉骨琅琅畫古丘凜然英氣尚橫秋朱游訕許何為
者敢辱先生地下遊

雪夜

暮雪紛紛亂撲窻床頭無酒只空缸壯懷俱與爐灰
冷惟有詩魔苦未降
旋呵凍筆吟冰柱急掃風花煖夜茶客去焚香閉門
坐小齋初不羨山家

八月十四夜與雷彥正步月

秋聲入戶夜虫多
辜負金樽漾月波
燭暗香殘人欲去
滿庭風露影婆娑

車水

鏡中流水畫中山
酒盡銀鉞興未闌
碧玉沼深人不見
柳花飛度翠琅玕

夜過滑州

黑稍軍聲動地來
魏人宵濟宋師迴
而今一統無南北
月下搖鞭過滑臺

跋龍眠二駿圖

玉塞沙平苜蓿繁
渥洼春水泛晴瀾
幾時扈從長楊獵
一片紅雲拂繡鞍

漢家天子狩陰山
萬馬憑陵汗血殷
早晚華陽春草地
統統得似畫圖間

美人却扇圖

寶檻承恩如露華
背金翻日羨宮鴉
幽閒好備關雎德
望絕羊車失自誇
絕代佳人擬罕傳
幽閒無夢到河鳩
春風靜鎖昭陽院
院落盡庭花轉自愁

游瓊華島 中統元年作

鳥語山容喜客來
耿純襟抱若為開
六龍冷駐陰山雪
暫擬層巔作望臺
芙蓉水殿紫巖松
六月雲蒸此雪宮
樂部不聞清夜曲
舜絃聲裏詠南風

蓬萊雲氣海中央
薰徹瑤華露影香
一炬忽收天上
去謾從隼土說阿房
五雲仙島戴靈鰲
老畫瓊華到野蒿
惆悵津陽門外
去春風飄亂酒旗高
大定明昌五十年
論功當出漢唐前
儘消一島承清
讌且置堯階頌采椽
躡盡寒雲最上層
土花春碧夢觚稜
江山如畫人空
老更倚殘陽望道陵
玉樹歌聲繞北墟
朔風吹恨入南都
六鰲不戴三山
去留與都人泣鼎湖
光泰門東日月躔
五雲仙仗記當年
不煩細讀江南
賦老樹遺臺倍黯然

杜莘老荒山訪友圖

隆中人有鹿門期
梁父吟餘獨杖藜
殆似老龐歸向
晚釣船猶艤暮江西

秋懷效樂天體

閒書遮眼睡昏昏
食飽無茶腹自捫
斜日倚門風乍
起滿庭黃葉擁離根

早起

星河黯淡湛玄雲
露下庭柯落葉紛
夜氣遠從天際
歛秋聲時向樹頭聞

冬日與呂丈讀毛詩廿二首

婦道防閑貴有初
文姜失御從雲如何
銖筍敝梁空
在秋水誠多得計魚

敝筍

服御鮮明擬大君
駢駢駁擊汶陽春
載驅既匪勤王
事隱惡能無播
萬民載驅
濟濟威儀美且都
詩人流詠入嗟吁
齊家為失防閑
禮禦亂無多金僕
姑猗嗟
為國規模以德將
恬然風俗入安疆
新婚服褌既非
禮葛屨凌霜尤失
常葛屨
汾水悠悠究一方
條桑採蕢僕夫當
誰知粲粲軫車
子終日傾筐沮如
旁汾沮如
得民方可固邦基
此道幽深莫我知
却憶賓庭陳百
旅棘桃猶足備多
儀國有桃
地狹民稠十畝間
來歸來逝共闕闕
何當一復周家
制各守封疆絕往
還十畝之間

邦畿蹙近四鄰侵
行役無時怨抑深
陟岵遐瞻利自
慰倚門應甚望雲
心陟岵
不畋安得歎懸門
匪稼胡為禾積困
但恃鄙貪居祿
位不能無愧伐檀
人伐檀
碩鼠歌詩怨已成
三年貫汝未聊生
熙熙彼土雖云
樂猶抱遲遲去國
情碩鼠
皂緜示約人從化
玉樹歌淫國旋空
蟋蟀戒深垂萬
世由来奢儉貴乎
中蟋蟀
隰原尚賴樞榆蔭
人主憂勤貴一身
堪鄙晉昭徒自
苦只將鐘鼓樂他
人小有樞
粼粼白石水揚揚
宗國由来日盛強
木末儻從師服
諫爭交竊國似田
常揚之水

沃土分封自晉昭子孫蕃衍喻園椒大夫休起盈升
歎宗本顛披爾遠條椒聊
束楚綢繆仰見星時危婚嫁禮難成却思王季興岐
日內外俱無怨曠情綢繆
骨肉凋零失所親徒行踽踽一身存不如杖杜春前
樹枝葉猶能庇本根杖杜
服御羔裘豹飾祛國人不恤反居居豈無他所扶持
去思好猶懷未忍疎羔裘
孝養庭幃士乃常反教執役事戎行悠悠仰面蒼天
渺失所何如鶴在桑鶴羽
晉國流風屬變移武公反正思依依誰知問鼎傷肩
際肯獨尊三請命衣無衣

道左團團杖杜春清陰猶得庇行人國強須賴羣賢
輔孤特何為任一身有杖之杜

藪生蔓野葛蒙枝女子從人得所依衾枕未溫征役
遠庶幾百歲願全歸葛生
晉獻聽諛似采苓竟從微隱殺申生後王采察能明
遠譖愬雖多自不行采苓

梁園對月

兒時曾住汴梁城二十年來重此行一片鳳凰池上
月向人還似舊時明

過蕩陰東周留村

一灣流水麥青青楊柳陰中野約橫幾樹桃花如舊
識隔溪無語笑相迎

喜蕭茂先得雄

未聽啼聲骨已奇桂林安取野棠枝老髯嗜學初心
在剝備箱書付阿宜
滿帝新詩羨寧馨慰心尤喜老來情壽兒此去如春
筍玉節亭亭脫錦裯

夏夜

野雲明處電飛光海緯青浮落日黃想得近山多雨
過滿庭風竹月波涼

夢中賦月燈詩

風外筠竿倚暮煙忽驚羣日帝堯年天公兩眼何嘗
暗底用分光照一偏

遊泰山雜詩

胚融萬化羣龍首丘垤諸山五嶽宗茂陵誕荒誇後
世岱神何意望東封

祖龍東巡擅雄豪天門風雨幾道逃虞帝不來天自
老秦碑空倚禪壇高

衆山迤邐朝西東帝孫突出天之中巨靈不劈蒼崖
斷雖有絕頂誰能通

何年氣母此融結大小天門五十盤三峰自是神明
觀漠漠陰風走石壇

岱宗巖巖靈氣宅雲煙物外爭新奇世事難必有如
此吾欲入海從安期

綰茁元氣通滄海霧湧雲蒸一水山五十連城望霖
雨少分餘潤到人間

萬壑瑤林映碧崖雲間三頂鬱霄臺摩挲御帳殘松
樹曾見秦皇漢武來
路從御帳北艱屯松頂雲癡日脚昏上盡曲盤十八
折仰看猶自有天門
盪洶滄鬱陰雲生行出天門路漸平脚力有餘中頂
近徘徊應為紀山銘
朝瞰爛爛烘層巔天門直下屯蒼烟乾坤故為作開
闔世界幻入梵羅天
何限詩人不克登杖藜直到最高層壁間速即留題
去雲起封中冷不勝
東山何高四十里萬古通天只一門不知洞府深幾
許宿雲無數儘雄吞

雄觀駭絕東溟日逸駕高於北海鵬更著山靈出奇
貨千岩蒼雪玉稜層

雪林虎跡過新蹄石磴雲靈步步低多謝山靈相擁
護一椀無事到中溪

中溪神祠名在山門口

贈相者李吉甫

仙機分自洞中春閱盡長安市上人留取神光牛背
上要渠着眼過天津

跋豐稔還鄉圖

廟堂真宰拜姚崇斗米三錢四海同今日太平應有
象畫家消息恐難工

過邯鄲

層臺高與暮雲齊全趙河山入望低貪和野花雙塔

向夕陽又下故城西
我自驅車下九門眼中裏國動吟魂從教兩鬢渾如
雪猶喜歸來故步存
黃梁夢短不須驚滿馬紅塵過趙城獨上荒臺重惆
悵野煙無處認溫明

題雪谷早行圖

頭痛風災萬里程行人何限把雙旌犯寒休訝征車
早冷嶺東邊是帝城

新店看山望京樓

喜入關南百里川朔風邊雪頓醒然夕陽欲下蒼烟
起看盡西南破墨山

秋雨靖山道中

一重一掩吾肺腑老雨荒山記北還人在碧烟深澗
底仰看元氣擁雲間

酌百泉水

去時蘭佩惹春烟歸日羸驂跨敗鞵賴有百門山下
水療飢猶可度終年

偶書

郝卿持節使江臯子勉翱翔主御曹我幸閉門無一
事醉餐秋菊讀離騷

跋司馬溫公燕處圖

獨樂園深百草香一編心與道相忘不妨卧老琴書
裏破散青苗有百章
道與晴雲任卷舒心存廊廟跡江湖石君被譴公孫

死慙愧先生燕處圖
擁馬留公作帝箴人心大抵是天心惠卿未死舒王
在一集傳家了古今

壬戌歲除夜

坐久虛窓夜氣澄未容心事淡於冰滿襟忠血傷時
淚一點清光教子燈

春風萬里圖

人間塵土日紛拏流水空山半落花自是道心游物
外不須誇誕說流沙

蓮社圖二首

人間廬阜東南勝兩晋名流最賞音阿麟因之出新
意秋香和月寫東林

鬢絲禪榻喜相同詩在秋香 千古風流社中
客不隨江月照還空

跋滄江待渡圖

朝醉新篘暮錦鱗一篙獨占上游行且休熟睡秋蓬
底無限津頭望濟人
隆中高卧耻為邦雪裏呼船渡晚江耆舊幾人堪晤
語徑須特訪鹿門龐

贈別王晉卿

漢署千官列鴈行九天獨被繡衣光布衣自笑題詩
客空抱澄清望八荒
青瑣仙郎被服新寵光千丈爛盈門何時得侍紅雲
表竭節同酬一命恩

劍履翩翩趣北歸
秋衾日夜夢形悵
長楊輦路都門柳
恰及飛花點繡衣

祝蘭同知進之

留心藥籠緣多病
歷仕鄰藩便暮年
回首西州門外道
偃然長寢兩相捐

行年六十不為玩
貳政三州有足稱
伯道有兒終抱恨
夜窓無及讀書燈

一丘黃土清溪曲
三尺蒼髯六十身
千古桐鄉遺愛在
只須秋草卧麒麟

得調澶淵幾載考
自營墓穴已三年
幾回對客親曾說
埋近清溪性所便

翩翩老騎赴征車
前日東城別路隅
酒榼素箏今寂

冥河山依舊繞黃壚

戊辰後正月七日雪

北風一雪麥田空
坑谷堆平滿棘叢
近日化工無棄物
總將春澤到蒿蓬

戊辰門帖子

安分愛尋蕭遠論
廣騷慵讀楚臣辭
里人莫訝三冬藝
一寸丹心用有時

送劉主簿文遠赴都

仕途坦坦駕輕車
殆似劉君赴部除
不枉洛南溫處士
半生清苦待徵書

終南捷徑霏荒霽
吏部銓衡到至公
相過不須論出處
李鷹門巷幾秋風

除官限自三年例計月須憑一考優聞說
聖皇思治切夢賢無夜不巖幽

貢璧輸琛買煦濡萬言不博一除書秋風兩戒河山
底自把鋤犁計未疎

求官自古近長安格法如應事不難說與磻溪谿上
叟且須寧耐把魚竿

題薛微之遺安堂

靜思富貴履危機醉着人心死不知愛殺遺安堂上
客此心還與鹿門期
清樾蘭皋百畝陰兩椽精舍倚雲深一鞭春事東風
裏劉表何人識此心

因題前詩偶書

山林長往廟堂居一襲時衣飯兩盂溫飽較來均大
槩忍尋機穿博頭顱

挽趙教授公淨

目擊冠裳一老儒爭教滄海失遺珠細思晚起山齋
語地下修文事本無
淵源分派大中君偶讀殘碑得古文河潤祗能霑再
世不須回首愴蒿蕪
儒林游戲入禪關晚節浮沉里社間異日衛人徵故
事為公扳例取香山

辛苦生平篆刻勞也霑春草亂春袍有兒不肄中郎
業却是先生一着高訂

是是非非到蓋棺誤身無似戴儒冠蒼涼一片共山

月照徹先生首蒼盤

生理蕭條奈老何春風着處是行窩哀歌偶及生存
事却恐羊曇淚更多

因著圖經大起予發揚潛德到幽墟案頭幾卷遺編
在愛惜過於汲冢書

時事予作汲冢志乃類集蘇門
甚詳悉見贈故云

跋申達夫藍采和扇頭

一踏高歌了世緣春風兩袖地行仙無端忙殺癡兒
輩貫朽都來有幾錢

謁梁太師王彥章祠

太師祠廟汶城西塚上纍纍日漸低唯有英聲消不
得至今高與泰山齊

雨後溪田即事

朝來一雨曙光微高樹涼多露未晞喜約老農來看
稼不辭霑濕芰荷衣

清寒墟落漲秋濤溪上行吟樂已陶洞口未容煙鎖
斷更須時上武陵舸

平明新漲復溪痕曉月搖光映棘門騷客不愁漁箔
短縱教魚鼈長兒孫

三年耕養一經通水旱豐凶更在中貢法不來神聽
遠此生窮達仰天公

種樹書殘倚釣竿日長微暑喜清寒草堂去水無多
地雙足時來踏碧瀾

錄役者語

十人供役二三迴困似車輪半道摧眼底去留生死

隔爭如先作陌頭灰
士戰何年是了期為王城此不知疲一門親削宣尼
筆為國勞民貴有時
一夫詛祭九魂知護我南行爾亦歸惆悵桑乾河畔
月至今寒影慘無輝

或云河南役夫既罷歸九者皆歿其一負
衆骨而西渡瀘溝因祭而祝曰今汝等俱
歿我幸獨全抱汝骨以歸汝等有靈當佑
我使與汝父母妻子行相見也其人前次
范陽亦病死
工無役鬼必勤民萬雉功成歲月因從古有庸三日
止未聞膏血化灰塵

今春疫氣是天裁百日為期力儘能三尺席菴連夜
雨杵聲總歇哭聲來
火中渙汗土中蘇却被車轟殞半途六月炎風一千
里大河南北看巢居
病骸困苦自知休叮囑同行瘞故丘父兄祇知安健
在計程今日過瀘溝
父来接子值同徒欲話渠儂涕泗俱昨日道邊因困
卧不知今日有還無
病軀甫瘥須扶護趁伴貪程日夜奔大半殍遺多為
此故鄉歸去有殘魂
蕩蕩王城玉削裁青山三面壯圖開興功計產能中
止狼籍春風一露臺

數口為家尚聚廬一王經野古良圖限期百日非為
遠部役羣工事大劬

觀風浪中回舟

風蕩輕舟一葉迴望中掀舞碧濤堆舟人若解臨觀
恐迂緩甘從遠道來

清溪晚眺

洲渚橫陳水退餘兩行風柳映菰蒲暝烟誰踏扁舟
去望際漁燈一點孤

題陳德秀東臺手卷

井落星躔一炬殘市門留入畫圖看祇應千載東臺
月長照鄉人祝社壇

至元戊辰應聘憲臺留別淇上諸公

夢中得

金馬門中金馬臣銅駝巷陌歲華新閒雲也被風吹
去散作千門萬戶春

竹林幽隱圖

西晉風流號七賢筆牀茶竈共林煙嵇琴響絕千年
後喜見清風一再傳

清時有味是閒身不可一日無此君着脚歲寒堂上
去秋風門外葉繽紛

蘇嶺桑麻社曲田歲寒誰似此君賢鳴歌不種南山
豆千畝風烟學渭川

昔賢愛竹與竹友出處總得高人名今人未著林頭
履里社歸來畫錦榮

共城瀟洒似江南萬竹幽棲老所堪李沆似為諸子

計北山先掃讀書龕
烟雨溪南百畝春
盡將清景屬閒身
河山不隔黃墟
斷却恐功名老逼人

春夜獨坐

讀書聲歇燭華殘
潤入琴絃覺夜寒
寂寞小窓雲影
薄隔簾梧葉雨聲乾

仙遊曲五絕

春山雲白紫芝肥
歲歲征驂動漢儀
政自修身傳治
本不緣幽睡試希夷
鶴護龍香醮夜壇
露桃花影記駉鷺
碧雲暮合秋空
迥石上清風漠漠寒
庭竹無人緣滿窓
幽香和露濕霓幢
日長孤絕壇邊

鶴啄徧晴苔影一雙

漢家拜望竹宮壇
環珮聲沉碧落寒
遥憶受釐宣室
夜一言前席萬方安

金簡朝元擁玉華
碧壺香滿謫仙家
石壇冷挂銀潢
水會待秋風送客槎

六度寺

荒村到寺纔三里
古屋懸崖廢幾間
從此重經題品
過衛人方識有壇山

山下石田百畝餘
子孫眷戀祖來居
向人爭說新官
好二稅輸來雜泛無

縈紆一水蟠深澗
野叟何知說太公
壇下古碑堪晤
語大書深刻太康中

太行東麓太公泉喬木蒼烟擁壞垣千載祇應尊有德不須深泥竹書言

老鷓舖雛百丈崖羽毛鱗鷲獵人來孤懷牢落風埃底何處呼鷹是故臺

聖泉流潤過南村共說來年雨水勻山若有靈能假手六花先壓壠頭塵

支撐佛宇老風烟歲月仍題聖曆年零落亂山終悵望捫蘿應欠入香泉

先子能聲以吏聞生平游戲見詩文遺書忽入孤兒眼淚山西山日暮雲

鷹揚來自鎬函西草木荒山壁壘低賣食解牛真妄說斷碑明指是殷溪

山中宿麥苦無多喜見團科際兩坡縱未庸收終有望入城容易揭差科

同劉勸農彥和葛縣令祐之遊蒼谷田

四山遮盡外來風山崦人家不覺冬獨立蒼崖重回首山形渾似入君庸

夕陽西下暮山稠崖下蒼池似炭湫把釣不愁雷火出品題應為此山留

近山風俗果溫純知有從來縣令尊霰老杖扶爭致語不嫌山野過柴門

山神說是宰公身野老爭來話本因採玉得仙俱僂僂至今功利及斯民

九龍分部中天雨何處癡蟠睡不開一勻鳳凰山下

水有時風雨洗天來

方山忽斷兩崖開中有蒼河自北來行出山門俱不見玉龍翻作地中雷

不須屏火瞰蒼灣萬古幽陰鬼所寰山下黃塵三百丈巢居安忍插天山

地爐火在壁燈昏睡覺山堂笑語溫豆粥一盂官事了緩搖吟轡出山門

贈星斗客冷景發

六甲星躔入苦心術窮滄海別穿深滕王閣上三五酒曾博相如換賦金
萬類芸芸固不齊一推能盡未來機向渠待福早晚台光映紫微

炯炯雙瞳楚語紛闔懷陰窵失崖垠坡仙有句堪書贈醉裏微言更近真

有命何曾論智愚班超傭筆衛青奴自從遇着洪都客豁得胸中俊氣無

半生心事苦蹉跎其奈胸中不朽何鳧鶴短長俱有數魯卿三昧聖之和

遊霖落山雜詩

東山削出翠芙蓉西壑砒研貯雪風人說魏王曾避暑殿基猶是舊離宮

蔭蕤悲臺倚寺西山空留在舊禪扉老猿叫月蒼煙去曾伴山僧夜半歸

青山斷處塔層層廢殿臨崖枕虎形千丈畫屏宜晚

對野烟飛去助空青

絕磴穿雲老蘚蒼
捫蘿行到贊公房
寶香冷徹華嚴
壁木客猶誇夜有光

滴乳岩前挂瀑流
青林飛酒動高秋
玉龍躍入青溟
去堆疊蒼烟萬壑愁

秋澗先生大全文集卷第二十四



秋澗先生大全文集卷第二十五

七言絕句

五年夏四月朔日即事



朝衣絺綌暮綿裘氣運天和不自由
吹損綠陰風不定晚來庭院似深秋


贈周幹臣

槐府潭潭吏隱周青衫騎馬亦風流
入門休問生涯事讀罷離騷待菊秋

題風雨回舟圖

江雨江烟萬里秋幾年汗漫事長游
憐君已落風波裏只恐迴舟不自由

題王武子觀馬圖



玉華吹散滿身雲，掣電追風隱駿奔。
好尚祇誇毛骨異，不思戎馬在東門。

題李伯時所畫開元御馬圖

閱武驪山是近遊，霜蹄蹴踏厭長楸。
料應扈從東封了，一片雲烟赤岸秋。

題山堂會琴圖

靜夜山堂萬籟沉，抱琴來瀉古人心。
個中真趣知誰會，門外松風是賞音。
聖賢思治先琴事，子賤為邦舜臯民。
莫訝松軒來會教，要從心指起經綸。

寄潞尹侯伯祿

分携不及都門別，情話長懷午夜燈。
蘭省未妨虛儉

幕郡人爭喜識黃丞

太行絕頂潞州城，竹馬兒童遠見迎。
聞說下車公事簡，不勞衙鼓報新聲。

題李伯時畫支遁觀馬圖

晉人大槩尚虛談，外物遷移等狗貪。
千丈神光渠自有，却將風駿馬中參。

金城店

麻葉翻風稻映畦，道邊垂柳蔭橫溪。
一竿青旆誰家酒，金店東頭野釣西。

金城懷古

典午能延避，迨生柘弓銀研未忘情。
較量成濟揮戈慘，天道中還固未平。

絳陽道中

山自南來兩翼開
汾岡橫亘隔金臺
伯宗驅傳無輕去
聽取與人論絳災

絳州公解即事

終朝據案訊纍囚
日暗風悽動鬼幽
草豔池荒人不見
絳紗燈影看懸流

河東池館絳園優
才子守豪王樂燕
遊興不

見斛王祠畔暮山稠

挈鷺提鷗次第開
碧園丹陣鎖重臺
可憐一炬成焦土
却似污宮為世哀

樊守文章世已驚
富公遺愛

水假借羣蛙徹夜鳴

鼓水西來竇北墉
絳園形勝日增雄
依稀菴畫樓臺影
猶在瑤翻碧漱中

水聲激激枕邊來
卧看偈池碧鑑開
三尺短碑樊記在
苔無多意發雄猜

莽望黃原勢決天
驚駭南走削孤巔
東臺何限消沉意
目送汾流落日邊

讀絳陽園池記

樊守文章未易窺
艱深宜被後人譏
一言能盡興衰理
愛殺當年李格非

周孔文章載道翰
定刪元自典謨留
不知魁紀操觚意
地絕天通孰與俦

題斛津王廟壁

玉壁威騰却日戈，飛搖其奈伯升歌。須知地下波陀血氣壓，南山翠不磨。

祝融堆廩表韓公，神理雖冥正可通。自愧不求來折獄，亦蒙陰相誘愚衷。

過絳州北哺饑坂

晉趙宣子飯重糶處也，應有祠屋，今廢。

釣米華名世，有人微勞高。擬泰山勲，此心報德誠。堪尚事了身名兩不聞。

血肉熬牙白，晝寒挾輪來。脫趙卿艱，悠悠鶴蓋陰。中子高揖清風，恐厚顏。

晉國平時有殍夫，趙宣為政果何如。哺飢坂下重回首，一飯酬恩寔豈予。

題夏當務壁

村落人家櫛比稠，平時分水細為籌。朝來一雨郊原足，門外長溝滿意流。

龍祠禱雨

中岸烏紗角半推，馬蹄泥滑晚相催。郡人莫訝麻衣濕，適自龍祠禱雨回。

禱雨龍祠訪張總判，不過因題其壁

甲第分携半月餘，遠回相過得須臾。松陰滿院溪流碧，辜負臨風一埒鬚。

登白雲樓

百日區區簿領間，白雲樓閣幾憑欄。秋來致有西山爽，兩度還容拄笏看。山次雲高暑退初，簞紋如水葛衣疎。邇來郡府無多

事卧對西山把性書

贈墨卿秦得真

壯心零落羽林槍老劑玄圭入退藏為報鳳池池上
客不應神品擅潘張
麝團小印柳枝龍不減唐人入漆工留得玉堂揮翰
日桂香欄檻聽松風聽一作泛

秋望

客窓十日雨聲中雲影朝來綻碧空不上西樓能幾
日滿城黃葉動西風

題子猷山陰圖

閉門一雪天地白乘興即上山陰船愛然此君真率
意至今人境兩脩然

自嘲

踏月聞鷄出郡齋逐 搥鼓放衙來盤盤三晉河山
地兵賦民情使汝諧

自壽

二年岱頂富奇觀今歲姑山對霧鬢笑拂巖花指歸
路黃塵深處是人間

待旦軒假寐而作

待旦軒虛曙色分瓦壚煙煖有餘薰細思日用無多
事一靜能消萬有分

題永安刁氏別墅壁

一川百頃數家邨複嶺重岡擁澗垠樹藝自勤民自
儉勸民冠蓋不須傾

南崖刻畫似城闌北勢耕桑聚落勻所願廟堂論至
理萬方風俗再還醇

聚遠亭 刁氏別墅

壁間題示墨猶新聚遠軒中入幕賓還喜晉人風土
舊一却名姓似朱陳

英武王馬燧廟

西平英氣凜如生千古精忠勒御名過客賦詩增感
激北風原上鼓鼙聲旌
奔鯨吹浪蕩蒲津堂上奇兵筭已神老賊垂降還赴
召比量先軫乃純臣

汾睢懷古三首

伸倪三面削蒼崖中擁汾睢寶氣開夾道老槐君莫

訝虬枝曾拂漢旗來

武皇誇大喜雄奇鼎出汾陰恐事為更著壽王相嫵
媚守經深見漢儒卑

東封泰岱西汾陰始自嬴劉好侈心只為一非無所
格儘令方士出妖淫

過聞喜縣有懷元鼎故事 秦左邑桐柳地

窮兵無似漢皇雄六合為家意未克一喜政能留故
事舞干終愧有虞風

過太寧宮

披雲臺晚野煙荒宮掖坊深半夕陽獨有太寧祠畔
土碧花猶自學宮粧

安邑道中

匡墻煙火暮微茫樂歲人家半米糠漢至孝文總四
葉便能三萬里農桑

謁司馬溫公墓

河山兩界夏西分孕秀鍾靈產異人可惜秉鈞總八
月不教仁澤浸生民
鳴條山遠聳孤墳千古嵩高仰甫申有意誕彌無實
用竟將新法遂諛臣

遊棲巖寺七絕

上盡雲間十二盤一椀松下松襟顏老僧近晚堅留
客爭指西南見華山散
河山形勝見棲巖萬壑秋聲度碧杉奇絕此遊還有
恨杖藜不到冷雲菴

翠巖細抱鬱蒼絕境軒橫杳靄間老矣瑞峯待僧
應健在護持長伴八龍閒

宇文周末年大禁釋教有曇延師者避隱北山久
之有樵叟日來聽經后師道成復有七人者來師
門故曰余八人皆龍也其一已傳師教故余等亦
來受戒

一徑縈紆入杳冥望川亭迥夕陽明欲知眼界寬多
少放出秦川似掌平

層巖重倚尚斜陽山下風煙一漫蒼恨煞愛山王老
子不來同宿贊公房

暮煙遮斷嶽蓮青低壓河流一線明已被山靈嫌俗
駕更堪留榜彥倫名

去然乘馬到烟蘿一笑山間對鳥窠詩句滿前拈不
得一作風煙還比石樓多

鐘聲出谷尚依依穩送詩人帶暝歸自笑野猿山鳥
性夜深幽夢到巖扉

跋提刑王副使航海圖

天險無踰海與江得人一葦即能航懸知恢廓高宗
志夢繞商岩夜月蒼
鯨翻鼉作大江流舟檝顛危咽棹謳忽展畫圖還自
悟當年風雨過封丘

遊普救寺

晚寺人歸憶會真夢雲花氣鎖窓春重簾不隔西廂
月一點香來是襪塵

讀破口先事迹

釋氏功夫向上尋一身歸寂雪山陰片言能脫益城
命少似先公濟物心

贈船篷姚道人

一龕塊坐已忘身陸海舡篷別有春却為梨花枝上
雪等閒踏破綠苔茵

臨晉道中

野雪晴消滿道泥茫茫銀海際煙霏日斜信馬中條
北愛煞山光照客衣

春雪

小雪霏微不滿空亂穿庭樹舞春風餘威似掣調元
肘不與東皇擅化工

曳龜圖

馭說瀾翻已自欺更堪身世兩相遺抱麟痛為東周
泣爭遣宣尼不及時

公堂午吏散一首

吏散公庭日轉西蟻旋蜂閑靜無時人無定志堂居
遠悄悄孤懷稔自知

清明後一日作

里巷春遊閑鈿車午窓睡起日西斜閒書讀罷焚香
坐淡對一枝山杏花
卧數窓樞對日曛一簾晴影弄游塵鄰牆幾片桃花
雨點破苔堦更可人
懊惱春悵困宿醒偶隨遊子到溪亭多情幾樹城南

柳三度春風見汝青

跋李提點和甫筠溪亭

和甫開封人早年應神童

碧蘚庭戶玉琤琮影透疎簾翠幾重中有道人高節
在青青初不易秋冬
洗耳無煩近穎川虛心獨愛此君賢何時拄杖門敲
去讀罷離騷聽夜泉

題鄆縣簿雷損之景程齋詩卷

道統幾微孰繼傳景程還得此君賢須知二帝三王
事要似仁民愛物先
理窟名言媲美典墳發源伊洛見經綸千年鄆社遺風
在更着雷卿繼後塵

題田使者玉泉垂釣圖

渭畋應未兆，非熊底是曾。
蟠萬丈虹，辨與澄湖三百
頃。一絲斜裊綠楊風。

挽平陽教授崔君度

心醉羣經四十年，老成身後見波瀾。
蒼涼一片姑山月，空照先生首管盤。

孟浩然灞橋圖

金鑿消息遠，相招雪滿吟鞍過。
灞橋處士本無經世志，強將詩句枉清朝。

高鳳漂麥圖

疾雷破柱雨翻盆，甌墮何煩頽惜頻。
儻為把書都不省，先生應是太癡人。

跋蘇武持節圖

使華往返見交兵，老我何嘗繫重輕。
已分橫身膏草野，茂陵松柏夢秋聲。
君臣義合以忠持，十九年間節可知。
邂逅論詩幾侮沆，區區纔得典諸夷。
兩行衰淚血沾襟，一節耐思北海深。
衛律有知慙即死，更來游說此何心。

慶趙汲古八秩之壽效樂天體

人生八十今極壽，况復兒孫滿眼前。
汲古園中趙夫子，燕京城裏地行仙。
摩挲金狄門前客，精健耆英會裏人。
坐對天津橋畔月，池塘春草幾回新。

崇慶初年縈組綬至元八載享康寧人間八秩風流
事無似君家種德馨

至元辛未歲八月十二日拉馬都事才卿
遊韓氏南莊歸效樂天體得詩十絕皆書
目前所見覺信手拈來也

開門不問主人無幽鳥呼來應竹呼僮僕也知賓客
敬與奴白飯馮青葛
吟邊踏破綠苔塔自挂幽軒數菊栽半日杖藜橫膝
坐絕勝前日醉歌來

浮雲冠蓋六街塵老畫朱顏白髮新贏得身心兩閒
在水邊林下果何人
滿庭竹影鎖秋烟倒畫池蓮細菊斑牆外綠畦澆已

影桔槔間

淡忘機山鳥山花笑我癡萬事看來皆偶
閒休遣世人知

臺涼吹晚留連樹繞岡回自一川野菽未霜溪柳
盡烟光渾是早秋天
園松菊餘秋色趙氏林亭滿夕霏人自晚年便靜
每來吟賞便忘歸

谿雲煙樹事幽尋指點平蕪起醉吟但使眼前無俗
子一杯時與野人斟
醉墨淋漓字半斜枉將霜壁亂雲遮一杯先洗黃泥
似我閒情遠世譁

蛙鳴水底強為聲酒盡沙頭臥玉蟬我自近來無不

是白雲舒卷暮山青

裴晉公綠野探梅圖息軒筆

淮西平一兩河清綠野梅花照眼明霜鬢未容閒裏
老南枝消息要和羹

當年韓白兩詞人吟賞天教在相門邂逅有書窮勝
事最憐踈影月黃昏詩

東臯八詠為趙參謀題

匏瓜亭

君家匏瓜盡樽彝金玉雖良適用齊為報主人多釀
酒葫蘆從此大家題

幸齋

人生知足一瓢多未老得閒非幸何堪笑矯情楊子

幼鳴鳴空縱醉時歌

東臯却

陽春門外望東臯三載相邀醉濁醪早晚回溪溪上
路桃花紅雨滿漁舸

耘軒

草盛苗稀苦見侵荷鋤歸晚月生林須知種豆南山
意唯有淵明識此心

遐觀臺

自說無堪不出村一杯藜藿樂閒身就中不負登臨
興滿眼青山是故人

清斯池

塵挂冠後無纓濯漁父從歌濁與清待與田家占水

早年年池上聽蛙聲

流憩園

養素丘園趣已成斜陽林影看春耕手中三尺枯藤
杖不羨人間六印榮

歸雲臺

從龍致雨固油然巖壑歸飛意本閒况是東臯已沾
足不妨來伴宿簷間

夢中又賦開元御馬圖

毛龍天降馭龍韜歷塊過都乃爾曹安得錦韉三萬
騎冷浮秋水下江臯

予寓舍前有所謂水官珠者客曰此即蕙
故也因呼兒採實作詩以識之

堂前蕙故因人悟不處嫌疑信至言豈獨菲萋成貝
錦令人還憾伏波寬

讀開元雜事

水殿涼多水氣微薰風華萼正相輝爭教明月梨花
院玉笛聲長到枕幃暑

興慶宮池景氣深薰然四海友于心讓皇篤愛情尤
切力為君王辨八音

海棠紅綴綠華零樂裏西涼已變聲總把大衾長枕
夢老天移魄入華清

歸志來圖

長沙勲業武侯忠劉宋規摹操懿雄虐焰儘烘寰宇
裂五株楊柳自春風

彭澤遺黎不幸何斜川魚鳥共婆娑先生踐迹高千
古不似終南捷徑多
解紱歸來百日強東籬松菊未全荒細觀歷贊高賢
傳一出頭來恨已長

煮茶

枯腸拍塞貯春雲洗盡蠶煩六腑昏山木策勳存夜
氣大河流潤下崑崙
曾中宿酒閑殘兵一椀澆來陣敵平濛頂得仙疑妄
語月波千丈與詩清
瀟瀟風雪薄虛窓細貯槍旗煮夜缸若論廓清真武
事一天幽思為詩降

四皓圖

羽翼橫飛四皓鴻楚歌悲絕趙王官高皇英睿商賢
節俱墮留侯計畫中
萬古規模一漢皇保全母后捨僞王商山邂逅招園
綺出自留侯畏呂強

題楊息軒盤谷圖

石峪盤盤百畝蒿野煙秋色淡林臯雄文一出潮陽
筆頓覺山人索價高

關山秋霽圖

望京樓上晚凭欄常記居庸八月還一段紫煙吟不
盡枉分秋色與南山
生平懷霽是初心捲盡江山萬里陰十載夕佳亭上
客卷中還對玉千岑

竊戚叩角圖

舜授堯傳老不逢商歌愁絕國門東小哉恨煞夷吾
器竟列齊桓五霸中

五王避暑圖

翠幄留香郁棣華紅雲縈暖鶴鷓沙豆箕不免陳思
嘆朱李寒泉是浪誇

蓮鳥窺魚圖

背距初非搏擊流翠香深處樂清幽游魚何限相吞
噬祇得臨風一瞪休

門帖子

廩食京華兩見春全家飽暖荷深恩自慙補報應無
地夢到青蒲白獸尊

題袁安臥雪圖

曲突無煙雪擁關引書高卧自怡顏須知四世三公
業不在人情冷暖間
突不煙黔雪擁扉一編義易療朝饑火城莫羨沙堤
相論士當觀未遇時
窮巷無人與叩關長安風雪一家寒挺然不為飢驅
去肯逐時人作執官

題顯宗承華殿墨戲

大青小青兩龍種承華墨戲真天人春思欲見昇平
事立仗歸來不動塵

題東海徐白魚

點額雷燒不到渠相忘何必在江湖細吹藻荇克飢

了兩頷腥涎儘自濡

酌祭宋先生子去六首

山立揚休七十春
閒中今古醉中真
傷心麗澤堂前
月空照先生澆酒中

一代波瀾獨老成
百年人物見蒼英
茂陵身後多遺
藁一賦梅花到廣平

我識空澄海印心
生平遊戲在禪林
寶珠儘照青藜
杖雅韻先空綠綺琴

玉堂仙去渺翩翩
冷落梅花樹下禪
疇昔過庭言在
耳炷香傾酒大蘇前

水映林亭竹映山
四時風景樂天閒
一從零落丘山
夢頓覺風光向客慳

酒榼詩筒白玉珂
春風到處是行窩
百年愛仰都人
士哀比羊曇淚更多

跋龍陽松隱圖

學窮象數別穿深
又向龍陽得洗心
前日小小叢桂
客不煩春草賦歸吟

承華殿墨戲圖

天廡雲屯八尺龍
總輸神駿付青宮
細看絕電流雲
筆天寶諸王恐未工

主人愛馬憐神駿
一骨千金十襲藏
却恐雷霆還下
取九重天上看龍驤

感寓

逢人驚問但慙然
自信文淵老益堅
來坐癡牀一千

日恰如無事草鞋禪

至元七年十月廿二日過順州與梁御史
詔金節侯剛忠王公子明死節事馬上為
賦此詩以弔州舊治唐歸順州見大曆五
年試太子洗馬鄭宣力所撰開元寺碑

雉堞蜿蜒隱塊城剛忠於此歿天兵千年英氣如生
在草木風前動戰聲

題趙仲器銅芝膽瓶滴

陂陀金背兩眉蘇不屬官池與研居老筆策勳餘潤
在一生何啻五車書
足跡蹒跚几研間太陰何苦汝為餐寸腸不磔盧仝
鐵更吐陰寒上筆端

題張夢卿雙清圖

月影冰魂奪化工埽鬚直是不煩公漫山正有閒桃
李爛熳春風幾日紅
花光品格黃華筆一段風流付後人誰為九衢塵空
底兩枝搖蕩浙江春
淡粧踈影兩依依照綴橫斜畫總宜恰似孤山籬落
畔小溪如練月如眉

王右丞輞川圖

騷詠禪談意未央歌湖煙月墮微范園林鐘鼓清時
樂好個裴公綠野堂
狀物何如及物功開元真宰說姚崇未妨僦屋招提
裏斗米三錢四海同

凝碧池邊野鹿過空垂雙泣賦悲歌論忠不到平原
列馳譽丹青未足多
文彩風流映一時丹青三昧有餘師戲將萬斛歌湖
水寫盡南山五字詩

遷張氏新居四首

我自三遷到巽隅市朝雖近似却居東鄰有寶西鄰
許不羨門多長者車
院靜窓虛淑景閒戎葵凝笑海榴丹莫令兒輩輕傷
折為與渠儂理一般
聽雪思堂與筆耕主人寓意強為名錙銖得及斯民
了日出何妨事又生
羞將勲業鏡中看不為無魚動鈇彈兩鬢揔隨霜簡

白寸心虛傍日華丹

題秋江月夜摘阮圖

玄壁朱絃激烈聞縱橫詞古得儀秦忘言何似陶元
亮直作羲皇向上人
易水悲風動急彈小絃鏗爾摘銅丸多應一片松梢
月併入茅亭作夜寒

闕下元日口號五首

筍班春仗簇初齊贊馬行牽望拜時臘雪未消雙鳳
瓦春風先到萬年枝
平明瑞雪滿蓬萊島樹瓊花次第開人在建章馳道
外四邊鞍馬唱歌來
建章宮樹玉嶙峋雲近蓬萊氣自春帳殿忽開齊舞

踏紫衣獨見海東人
春前移仗島東邊大禮稱觴最重年何幸小臣陪虎
拜一杯春露共瞻天
千官錫宴瞻天喜萬里休兵立仗閒擬效堯封三獻
祝太平

天子壽南山

魏豹故城

兵涉西河豹出迎
亡姬還作漢儀程
事機倚伏真相
戲一笑長驅過故城

題解梁解壁

丘壘依稀井幹殘
人家烟火甫兵還
就中不負官曹
眼簿領當前坐看小

再過絳陽

二年三度過金臺
盛夏初寒不憚懷
卧聽水聲何所
憶一軒秋雨竹間來

夜宿李氏林館

困眠欹枕未容休
睡起關心事最幽
鷓鴣一聲窓色
曙月明滿地綠陰稠

禹廟

大地河山繡錯明
野煙孤廟枕荒城
杜鵑饒舌知何
事血洒東風怨未平

路村道中

鹽澤條山動寵光
天書來坼紫泥香
老癩扶杖欣相
告五十年來未省嘗

解州廳壁題示

至元癸酉夏五月二十三日奉宣

明詔至於解梁因得王黃州壁間所題解池詩序云監池之大自唐以來凡臨蒞者無一辭以紀勝槩觀覽之際賁然成章或繼之者實自予始僕竊有所感焉因勉成三詩以附驥尾之末庶幾因公而使天下知有憚云偕來者府兵曹解稹子公孺侍行承直郎平陽總判汲郡王憚題
物色分留付後人暗將風雅欲誰親
現珠在側知形穢尚友何妨繼後塵
日融池面爛生紅更看南山障碧空
一夜高臺汗如

洗州人說是廣南風

解梁城下解塩池萬寶騰光奪日暉
我欲大觀窮化窟乳泉一賦了天機

題平正縣舖樓壁

盤盤峻嶺上青山兩度南來點舖翻
叉手老兵前致語此回霜鬢又加繁

秋澗先生大全文集卷第二十五

秋澗先生大全文集卷第二十六

七言絕句

華嶽廟留題

朝來松檜重煙霏
仰面蓮峯翠撲衣
自笑愛山心不足
日斜猶未駐征騑
祠前喬木老輪囷
閱盡長安道上人
千古倚空仙掌在
好為回首障兵塵

蓮峯卓拔見雄尊
千劫孤撐碧玉盆
總被少陵收拾却
諸山羅列似兒孫

垂崖一出著高勳
回首猶慙華頂雲
應笑豹林神處士
擬將虛譽售時君

東登岱頂雪彌空
上徹中封似不逢
應行此行何路

秋澗先生大全文集卷第二十六

七言絕句

華嶽廟留題

朝來松檜重煙霏
仰面蓮峯翠撲衣
自笑愛山心不足
日斜猶未駐征騑
祠前喬木老輪囷
閱盡長安道上人
千古倚空仙掌在
好為回首障兵塵

蓮峯卓拔見雄尊
千劫孤撐碧玉盆
總被少陵收拾却
諸山羅列似兒孫

垂崖一出著高勳
回首猶慙華頂雲
應笑豹林神處士
擬將虛譽售時君

東登岱頂雪彌空
上徹中封似不逢
應行此行何路

啟青天白日對三峯

渡渭有感

當年尚父欲誰親八十西來釣渭濱
馬上行人應未了莫教虛負百年身
秦亡漢起兩悠悠總把興亡入海流
汀樹岸花三百曲煙波都屬釣魚舟

安邑道中

六合雲蒸一氣埋際空秋稼委枯荻
馬頭赤日疑無色望際青林雨氣來

洪洞道中望霍岳諸峯

老澗灣環兩翼分一川草木氣如薰
土人更說山靈異微雨先占霧頂雲

留題霍嶽

喜遂平時景霍心適逢嚴祀一登臨
感通固愧潮陽筆霧雨重開萬壑陰
山腰明霽靜烟霏嶽頂雲濛淡欲飛
岩壑似供詩筆健法身都挂六銖衣

題豫讓橋

死堅鐵石表孤忠一水曾蟠萬丈虹
太史注書隨俠例豈知風義本無同

過益昌橋

盤盤危磴轉山腰下瞰長河漲怒濤
霍邑南邊趙城北滿頭風雨過昌橋

霍州

四雍中坳一畊牢快心唯有霍山高一條羸水從中
過日夜隔城聞怒號

跋范蠡歸湖圖

霸越高勳土直如五湖歸隱號陶朱扁舟共載西施
去却恐時人是厚誣

題趙城縣環翠亭

秀色四圍供坐嘯山城終歲早休衙陂塘清淺知秧
稻畝嶺橫縱看藝麻
簡城南北幾經還赤日紅塵赭背顏歛得解鞍心適
喜暫容高卧對東山

趙城道中早發

積雨晴來露氣餘風枝成滴草垂珠麻衣半濕溪邊

路常記郊原五月居

跋朱元章蘆鴈圖

西風萬里下衡陽水宿雲飛固自雙似為叫羣心事
若不教相映睡秋江

煙渚潮空退暮沙依稀寒影落蒹葭何人解化雙飛
翼拍拍垂君問使華

隨

甲戌歲門帖子

全家溫飽荷恩深榮闔郡清寧歲屢登蟻虱小臣何
所報一公之外復何能

不求富有金城穴不羨官榮日九遷但願時和身健
在大家無事過今年

庖舍門帖子

王家供具乳蒸豚石氏庖厨蠟代薪二者侈荒何足
論一簞顏巷世歸仁

山市晴嵐

墟落人家半夕暉太行天上倚煙霏喚回二十年前
夢共伯城西載酒歸

古栢寒鴉

亂鴉蒼栢晚相依流水孤邨句未奇恰似首陽祠下
看夕光翻影上枯枝

松蔭寒泉

坐蔭髯龍夢已醒更堪幽谷亂泉聲遙知綠綺相逢
夜幽思中含太古情

雲竇飛湍

千丈懸淙落碧霄百岩回望冷瀟瀟若為借得天瓢
手傾向人間救旱苗

蒲中十詠為巖卿師君賦并序

中條山水雄秀照映河華予兩年以事抵
蒲略獲遊賞然雲烟勝槩且夕不去其懷
嘗思以數語道其髣髴心在而未暇也至
元十年秋九月蒲人師巖卿拉王國器李仲
和張師諸人携酒過門盃數行袖出錦囊
巨軸曰此河中十詠也因徵詩於不肖逮明
年甲戌正月辛巳予以微恙閉閣少休隱几
瞑坐神與境會既覺晴日滿窓幽思發越
眷馬十題卒然而就顧不足發山水之清音

聊以移方寸而外形骸也且為四老人一胡盧云
蒲津晚渡

落日西風送棹謳行人無數立沙頭君看一葉顛危
甚苦不忙時且少休

舜殿薰風

巖廊瀟灑壓城闈解慍歌殘又幾秦一道殿蒼涼似
水至今猶有夢莘人

虞坂曉發

雞聲茅店月微茫山遠行人促曉裝良驥虺隤身自
健不須拭目認絲揚

首陽晴雪

前冬兩拜首陽祠野雪搖光晚霽時蒼栢滿山人欲

去亂鴉翻影上枯枝

鶴鵲波聲

洶洶河流入斷山馮夷無力障狂瀾乘風破浪他年
事且挽清雄上筆端

東林夜雨

瀟瀟風雨暗秋山聲滿疎林萬珮環拂曉開門看晴
霽白雲依舊伴僧閑

林亭夜月

大內扶君不見人野煙碧樹總傷神應憐一片林亭
月曾照司空淚滿襟

王官飛湍

石竇懸流雪練飛夜深和月映松扉恨予不遇貽溪

老一笑山間說化機

丙巖疊嶽

東山如髻鬢重重人倚栖巖第一峯似是晚烟開畫
障濃揮淡抹聞丰容

媽泊夕陽

溪痕春漲碧迢迢一帶斜陽映野橋風土亦安登降
意野花如靨點裙腰

贈寫真賈生

氣貌昂藏野鶴姿賈生模寫有餘師情知不入麒麟
畫剛為天朝飾羽儀

寄李裕卿

山中風日淡無輝山下騰光欲爍衣辛苦南州李從

事三年其奈肉山肥

交游過眼日紛紛故舊如君有幾人岸情一樽蕭寺
月此回談笑更情真

過橫望嶺

終日山行不厭山出山聊喜慰衰顏朝來橫望開頭
路滿意風煙看洛川

澤潞即事雜詩一十首

醲恩三接無旬決春日春衣未足多沙上歸來聞好
語誓彈忠力更無佗

裴翁祠晚夕陽催野色橫川組練回我數固多多已
辦不愁歸路碧崔嵬

自古徒兵澤潞雄選齊尤見四州公堂堂氣與鼙聲

壯閃閃旗纛日脚紅
獵獵清風偃旆聲南風不競此先徵朝來小試青油
底一鼓仍驚氣倍增
闐闐風外鼓聲乾小隊紅牙入細看自古中原雄莫
敵麟符准到漢家壇
萬命安危一將懸成功端在得人先長江儘飲天山
馬勒制應須闔外顛
角聲催日上牙城白羽風清坐閱兵看鼻恐煩磨檄
墨莫教華髮等閒生
一檄風馳萬有降天兵開國古無雙寄聲壁月瓊枝
客鐵鎖休誇一葦航
結束征袍總白丁淮陰一將便橫行滿條此意千年

後正賴桓文節制明
嗚嗚殘角過三吹整整魚麗待一揮曉涼更覺軍容
肅露濕朱旗月滿衣

太嶺道中泉眼并雜詩

路長坡峻一層層六月行人困鬱蒸多謝山靈解煩
喝一泓澄澈冷于冰

來路蒼蒼不可尋山風吹馬下送岑望中斜日行雲
掩遠嶺橫分一半雲陰

長松磊落不凡材風拂烟霏畫帳開端似高人在岩
壑苦嫌塵土不歸來

千古雄藩入控連瀟瀟旌旆莫愁邊最憐天壤清涼
界欲買西山二頃田

潞州為太行
清涼境界

太行南走百山門，岡勢迴環淺作盆。
瀟灑綠陰臺館靜，平時尤見使君尊。

過遊仙李節使墳

大定明昌五十年，當時人物玉堂仙。
朝來書案山前路，瞥見堂封一慨然。

遊青蓮寺

上方層閣倚晴煙，回合諸峯聳碧蓮。
午枕不容詩夢就，天風吹雨下危巔。
山間一雨衆壑澮，轉石砰崖聲若雷。
殆似山靈詫清駛，夜深還到枕邊來。

夜過關嶺山

晝鎖壺關戰氣昏，自環長塹作孤豚。
紛紛彼校何為

者愧煞新聲，欲死言

夏縣

一縣陰陰夏木清，大賢司馬小賢城。
河山依舊英靈在，重為生賢作國楨。

虞鄉道中

長纓風笠葛衣疎，裝就唐人早發圖。
只有才情渾不似，馬頭吟久却成無。

猗頓道中

玉繩西轉啓明東，熱擁長途似火攻。
辛苦平陽王判府，三年三伏走蒲中。

跋蘭昌宮圖

宮斜春草暗驪陽，花底春雲覆苑牆。
忽覩翠罌銀勺

事世間疑有返魂香

乙亥歲門帖子

三年判府初無補一寸孤衷老謾丹最喜元正即春節併將和氣到瀾門

李潛宛馬圖

李生鞍馬見金初彷彿殊方職貢圖今去玉門途萬里總隨鞭策入長驅

丙相問牛圖

牛來近地暑光微深愧調元相業非後世幾人能辨此潭車甘受野人譏

用唐宰相楊再思開坊門襍水滄亭

謝太傅東小園金黎陽李公泰筆

鳳沼春閑湛綠波未容綠竹醉岩阿儘能經濟蒼生

了七寶莊嚴未是過

秦兵一掃兩淮清桓氏微未晉鼎平况復中年正多感未妨雲壑寄高情

四皓圖

事定歸來舊隱深皎然松雪隱雲林寥寥高誼千年後似覺元之最賞音

先生節義重丘山冠佩遙瞻漢嗣安莫以隱淪忘世論一身歸潔果何難

苦諫臣通已謾為一書光動紫巖芝後人只說安劉重不道留侯策更奇

顯宗墨竹

離離香粉淡爭妍莫作荒寒景趣看絕侶承華宮檻